



REPUBLIKA E SHQIPËRISË
BASHKIA SHKODËR
KRYETARI

29065
Nr. _____ Prot

Shkodër, më 24.12.2024

Lënda: Dërgohet për shqyrtim projekt-vendimi dhe relacioni

KËSHILLIT BASHKIAK SHKODËR

Të nderuar këshilltarë,

Bashkëngjitur Ju dërgojmë për shqyrtim relacionin dhe projekt-vendimin “PËR MIRATIMIN E KRITEREVE DHE PROCEDURAVE PËR LICENSIMIN E AGJENCIVE FUNERALE/ SHTEPI FUNERALE(SALLA PRITJE), NË TERRITORIN E BASHKISË SHKODËR”

Duke ju uruar punë të mbarë.

Me respekt!





REPUBLIKA E SHQIPËRISË
BASHKIA SHKODËR
KRYETARI

Nr. ____ Prot

Shkodër, më ____ . ____ .2024

PROJEKT-VENDIMI

Nr. ____, datë ____ . ____ .2024

“MIRATIMIN E KRITEREVE DHE PROCEDURAVE PËR LICENSIMIN E AGJENCIVE FUNERALE/ SHTEPI FUNERALE(SALLA PRITJE), NË TERRITORIN E BASHKISË SHKODËR”

Këshilli Bashkiak Shkodër në mbledhjen e tij të datës ____ / ____ /2024, me propozim të Kryetarit të Bashkisë, mbështetur në nenin 54 shkronja “k”, të ligjit nr.139/2015 “Për vetëqeverisjen vendore”, i ndryshuar; Ligji Nr.9220, datë 15.4.2004 “Për administrimin e shërbimit të varrimit” (i ndryshuar); Vendimi i Këshillit të Ministrave Nr.711, datë 29.10.2014 “Për miratimin e rregullores “Për administrimin dhe funksionimin e varrezave në territorin e Republikës së Shqipërisë”; ligjit nr.107/2014 “Për planifikimin dhe zhvillimin e territorit, të ndryshuar; VKM nr.408/2015 “Për miratimin e rregullores dhe zhvillimit të territorit”, të ndryshuar; VKM nr.1096/2015 “Për miratimin e rregullave kushteve dhe procedurave për përdorimin dhe menaxhimin e hapësirave Publike”; pas shqyrtimit të relacionit të administratës së bashkisë Shkodër;

VENDOSI :

1. Të miratojë kriteret për licensimin e Agjencive funerale/ Shtepi funerale(Salla Pritje), në territorin e bashkisë Shkodër, sipas lidhjes nr.1 bashkëngjitur.
2. Për zbatimin e këtij vendimi ngarkohet Kryetari i Bashkisë Shkodër
3. Ky vendim hyn në fuqi 10 pas shpalljes

Z/Kryetar



Drejtoria e Mjedisit

Fida Mulla

Drejtoria e pergjithshme juridike, burimeve njerëzore

dhe shërbimeve mbështetëse

Denis Veseli

Drejtoria e Planifikimit dhe zhvillimit

të territorit

Dulcin Mushi

Drejtoria Juridike

B. Lajçi

Drejtoria e Taksave dhe Tarifave

Flator Beqiri

Nderrmarja e Shërbimeve dhe Puneve Publike

Almir Pollo

Lidhja nr.1

**KUSHTET DHE KRITERET PER
LICENSIMIN E AGJENCIVE TE SHERBIMIT
FUNERAL DHE SHTEPIVE FUNERALE (
SALLAT E PRITJES)**

I.QËLLIMI

1. Ky vendim ka për qëllim përcaktimin e kushteve dhe kriterëve që duhet të plotësojnë subjektet që ushtrojnë veprimtarinë e tyre në fushën e shërbimit funeral në territorin e Bashkisë Shkodër.
2. Agjencitë dhe Shtëpitë funerale(sallat e pritjes), ushtrojnë aktivitetin e tyre në përputhje me rregullat e përcaktuara në këtë vendim dhe vetëm pasi të jenë të licensuara nga struktura përkatëse në Bashkinë Shkodër.
3. Agjencitë e shërbimit funeral, duhet të disponojnë kapacitetet e duhura, për kryerjen e procedurave ndihmëse të menaxhimit të shërbesës, para dhe pas varrimit, plotësimin e praktikës dokumentare, shitjen e artikujve të varrimit,
4. Shtëpive funerale(sallat e pritjes) janë ambjente që shërben si shtëpi pritjeje për kryerjen e ritualeve të lamtumirës apo riteve të tjera në nderim të personave të vdekur.

II. PERKUFIZIME

Agjenci të shërbimit funeral që në veprimtarinë e tyre kryejnë vetëm procedurat ndihmëse të menaxhimit të shërbesës së para/pas varrimit në të cilat kryhet aktiviteti i plotësimit të formaliteteve, si edhe shitja e artikujve të varrimit;

Shtëpi funerale / Salla pritje është ambienti i padukshëm nga jashtë, i cili shërben si shtëpi pritjeje për kryerjen e ritualeve të lamtumirës dhe riteve të tjera në nderim të personave të vdekur;

Godine banimi shumëfamiljare është një objekt që ka shumë banesa të cilat shpërndahen në katet që ka objekti. Porta e hyrjes dhe mbulesa janë hapësira të përbashkëta;

Godine banimi individuale është objekt me një oborr vetjak i cili mund të jete me një, dy ose tre kate i destinuar për një familje të vetme;

Hapësirat publike janë trotuare, rrugë, sheshe, lulishte, parqe, shëtitore, rrugëkalime e mjedise të tjera në përdorim publik;

Hapësire funksionale: Siperfaqe e rrethuar kryesisht me mur ku kryhet aktiviteti për të cilin shërben objekti, pjesë e kesaj hapësire/siperfaqe.

III. BAZA LIGJORE

Ligji nr.139/2015 “Për vetëqeverisjen vendore”, i ndryshuar;

Ligji Nr.9220, datë 15.4.2004 “Për administrimin e shërbimit të varrimit” i ndryshuar; Vendimi i Këshillit të Ministrave Nr.711, datë 29.10.2014 “Për miratimin e rregullores “Për administrimin dhe funksionimin e varrezave në territorin e Republikës së Shqipërisë”;

Ligji nr.107/2014 “Për planifikimin dhe zhvillimin e territorit, të ndryshuar;

VKM nr.408/2015 “Për miratimin e rregullores dhe zhvillimit të territorit”, të ndryshuar; VKM nr.1096/2015 “Për miratimin e rregullave kushteve dhe procedurave për përdorimin dhe menaxhimin e hapësirave Publike”;

IV.DISPOZITA TË PËRGJITHËSHMË :

1. Agjencia e Shërbimit Funeral dhe Shtëpia funerale (Salla e pritjes) nuk lejohet të ushtrojnë aktivitetin e tyre në Qendrën Historike të Qytetit të Shkodrës që përfshin rrugët : Gjuhadol, Kol Idromeno, 13 dhjetori dhe 28 nentori si edhe në rrugën ”Hamz Kazazi” në qytetin e Shkodrës.

2. Agjencia e Shërbimit Funeral dhe Shtëpia funerale(Sallat e Pritjes) nuk lejohen të ushtrojnë aktivitetin e tyre në godina banimi shumëfamiljare dhe as në shtesat të këtyre godinave
3. Agjencia e shërbimit funeral dhe Shtëpia funerale(Sallat e pritjes) duhet të jenë larg , në një distancë minimale prej 100 m në vijë ajrore, nga objektet publike administrative, objektet arsimore, objektet kulturore.
4. Agjencia e Shërbimit Funeral dhe Shtëpia funerale(Sallat e pritjes) duhet të ushtrojë aktivitetin e tyre vetëm në ambiente të brendëshme dhe të padukëshme/ jo të dukëshme nga jashtë.
5. Makinat e autofuneralit e kanë të ndaluar të qëndrojnë/parkohen në hapësirat publike.

V. KUSHTET DHE KRITERET PËR LICENSIMIN E AGJENCIVE TË SHËRBIMIT FUNERAL

1. Agjencitë e shërbimit funeral duhet të plotesojnë këto dokumentacion:
 - a. është i regjistruar në regjistrin tregtar sipas legjislacionit të vendit ku ushtron aktivitetin e veprimtarisë me objekt shërbesën funerale dhe ka statusin aktiv;
 - b. nuk është në proces falimentimi (status aktiv);
 - c. nuk është dënuar për ndonjë vepër penale;
 - d. nuk është dënuar me vendim gjyqësor të formës së prerë në lidhje me veprimtarinë profesionale;
 - e. të ketë shlyer taksat dhe tarifat vendore;
 - f. të jenë të pajisur me leje sanitare për ambientet që disponon. (instituti i higjienës).
2. Agjencitë duhet të disponojnë minimalisht 2 ambiente një ambient zyre për kryerjen e punëve administrative dhe një ambient tjetër për kryerjen e shërbimit ndaj personit që ka nderruar jetë
3. Objekti duhet të jenë në pronësi apo me kontratë qiraje në emër të subjektit që ushtron veprimtarinë.
4. Të disponojë minimumi një kapak frigoriferik sipas përcaktimeve dhe specifikimeve përkëse të strukturave shtetërore në fushën e shëndetësisë.
5. Agjencia duhet të disponojë të paktën një automjet për shërbimin funeral, i cili duhet të jetë i pajisur me leje qarkullimi me specifikën (shërbim funeral), në emër të subjektit dhe me të gjithë dokumentacionin e nevojshëm ligjor.
6. Të ketë ambient privat (në pronësi apo me kontratë qiraje), të përshtatshëm dhe me kapacitet për qëndrimin/parkimin sipas numrit të automjeteve për shërbim funeral.
7. Pronësia e objektit të mos jetë me “funktion banim” nga ku të vërtetohet me kartelë pasurie (lëshuar brenda tre muajve të fundit) , ose vërtetim pronësie nga ku të jete i përcaktuar funksioni i përdorimit të lëshuar nga Agjencia Shtetërore e Kadastres.
8. Duhet të ketë të paktën 2 punonjës të cilët figurojnë të regjistruar në përputhje me legjislacionin në fuqi.
9. Duhet të disponojë nr.tel. i aksesueshëm 24 orë.

V. KUSHTET DHE KRITERET PËR LICENSIMIN TË SHËRBIVE FUNERALE (SALLA PRITJE) TË SHËRBIMIT FUNERAL

1. Shtëpitë Funerale (Salla Pritje) duhet të plotesojnë këtë dokumentacion:

- a) Të jetë i regjistruar në regjistrin tregtar sipas legjislacionit të vendit ku ushtron aktivitetin e veprimtarisë me objekt shërbesën funerale dhe ka statusin aktiv;
 - b) nuk është në proces falimentimi (status aktiv);
 - c) nuk është dënua për ndonjë vepër penale;
 - d) është dënua me vendim gjyqësor të formës së prerë në lidhje me veprimtarinë profesionale;
 - e) të ketë shlyer taksat dhe tarifat vendore;
 - f) të jenë të pajisur me leje sanitare për ambientet që disponon. (instituti i higjenes).
2. Objekti ku ushtrojnë aktivitetin Shtëpitë Funerale (Salla Pritje) duhet të disponojnë minimalisht 2 ambiente si edhe hapësirë funksionale në shërbim të tyre. Objekti së bashku me hapësirën funksionale duhet të jetë në pronësi apo me kontratë qiraje në emër të subjektit që ushtron veprimtarinë.
 3. Pronësia e objektit të mos jetë me “funksion banim” nga ku të vërtetohet me kartelë pasurie (lëshuar brenda tre muajve të fundit) , ose vërtetim pronësie nga ku të jete i përcaktuar funksioni i përdorimit të lëshuar nga Agjencia Shhtetërore e Kadastres.
 4. Duhet të ketë të paktën 2 punonjës të cilët figurojnë të regjistruar në përputhje me legjislacionin në fuqi.
 5. Duhet të disponojë nr.tel. i aksesueshëm 24 orë.

VI. DISPOZITA KALIMTARE

1. Të gjithë subjektet që zhvillojnë aktivitetin e tyre të shërbimit funeral, brenda ___ muaji nga hyrja në fuqi të këtij vendimi duhet të përshtasin veprimtarinë e tyre në përputhje me këto rregulla dhe të licensohen nga Bashkia Shkodër.



Nr. _____ Prot

Shkodër, më _____ .2024

RELACION

“PËR MIRATIMIN E KRITEREVE DHE PROCEDURAVE PËR LICENSIMIN E AGJENCIVE FUNERALE/ SHTEPI FUNERALE(SALLA PRITJE), NË TERRITORIN E BASHKISË SHKODËR”

Drejtuar: Këshillit Bashkiak, Shkodër

Të nderuar këshilltarë!

Mbështetur në dispozitat ligjore të nenit 54 shkronja “k”, ligjit nr.139/2015 “Për vetëqeverisjen vendore”, i ndryshuar; Ligji Nr.9220, datë 15.4.2004 “Për administrimin e shërbimit të varrimit” (i ndryshuar); Vendimi i Këshillit të Ministrave Nr.711, datë 29.10.2014 “Për miratimin e rregullores “Për administrimin dhe funksionimin e varrezave në territorin e Republikës së Shqipërisë”; ligjit nr.107/2014 “Për planifikimin dhe zhvillimin e territorit”, të ndryshuar; VKM nr.408/2015 “Për miratimin e rregullores dhe zhvillimit të territorit”, të ndryshuar; VKM nr.1096/2015 “Për miratimin e rregullave kushteve dhe procedurave për përdorimin dhe menaxhimin e hapësirave Publike”; pas shqyrtimit të relacionit të administratës së bashkisë Shkodër; paraqesim për shqyrtim projekt vendimin **“PËR MIRATIMIN E KRITEREVE DHE PROCEDURAVE PËR LICENSIMIN E AGJENCIVE FUNERALE/ SHTEPI FUNERALE(SALLA PRITJE), NË TERRITORIN E BASHKISË SHKODËR”**, si më poshtë;

Ky vendim ka për qëllim përcaktimin e kushteve dhe kriterëve që duhet të plotësojnë subjektet që ushtrojnë veprimtarinë e tyre në fushën e shërbimit funeral në territorin e Bashkisë Shkodër.

Agjencitë dhe Shtëpitë funerale(sallat e pritjes), duhet të ushtrojnë aktivitetin e tyre në përputhje me rregullat e përcaktuara në këtë vendim dhe vetëm pasi të jenë të licensuara nga struktura përkatëse në Bashkinë Shkodër.

Agjencitë e shërbimit funeral, duhet të disponojnë kapacitetet e duhura, për kryerjen e procedurave ndihmëse të menaxhimit të shërbesës, para dhe pas varrimit, plotësimin e praktikës dokumentare, shitjen e artikujve të varrimit,

Shtëpitem funerale(sallat e pritjes) janë ambjente që shërben si shtëpi pritjeje për kryerjen e ritualeve të lamtumirës apo riteve të tjera në nderim të personave të vdekur.

Nëpërmjet këtyre kriterëve dhe procedurave që përcaktohen në të(sipas lidhjes nr.1), synojmë të kemi një qasje sa më të drejtë, transparente në lidhje me vendim-marrjen në favor të qytetareve të Bashkisë Shkodër dhe bizneseve.



REPUBLIKA E SHQIPËRISË

Sa më lart propozojmë para Këshillit Bashkiak të miratojë “KRITERET DHE PROCEDURAT PËR LICENSIMIN E AGJENCIVE FUNERALE/ SHTEPI FUNERALE(SALLA PRITJE), NË TERRITORIN E BASHKISË SHKODËR”

Duke ju falenderuar për bashkëpunimin!



**Drejtoria e përgjithshme juridike, burimeve njerëzore
dhe shërbimeve mbështetëse**

Z. Denis Lesha

Drejtor planifikimit dhe zhvillimit territorit

z. Lulzim Mashi

Drejtor I Mjedisit dhe energjise se rinovueshme

Zj. Aida Shllaku

Drejtor juridik

Zj. Brikena Leqeja

Drejtor i Drejtorisë së Taksave dhe Tarifave

Z. Halit Bilali

Drejtor i Ndermarjes se Sherbimeve dhe Puneve Publike

Z. Altin Salih